



Chav Tswj Neeg Kawm Askiv Cov Kev Pabcuam
Koog Tsevkawm Pawg Neeg Tawm Tswvyim rau Cov Neeg
Kawm Askiv (DELAC)
Cuaj Hli Ntuj 17, 2020 | 6:00 p.m. – 7:30 p.m. | Virtual Zoom Meeting
Cov Ntaubntawv Teev Tseg (Minutes)

Tuaj Koom Ntawm No:

Michelle Deleon - Rio Linda High School thiab Westside Elementary

Maria Cruz -

Maria Ponce -

- Babcock
- Las Palmas thiab Grant
- Las Palmas thiab Grant

Heather Harris - VP ntawm Woodridge

Lopez - Woodridge

Alexandra Pina – Tus Neeg Saibxyuas Ntaubntawv Txawj Ob Hom Lus - ELSD

Alberto Becerra - EL Tus Coj Khiav Lub Luag Haujlwm

Jisel Villegas – Tus Kavxwm khiav Haujlwm Ib Ntus - ELSD

Barbara Schiffner – Tus Tuam Thawj Kavxwm - IT thiab ETS thiab saibxyuas lub Tswvyim

Kev Kawm Tsis Tu Ncua (Learning Continuity Plan)

Oliver Thor – Tus Neeg Txhais Lus - ELSD

Paul Barrajas – Tus Neeg Txhais Lus - ELSD

Rov los saib txog Zoom Cov Txheej Txheem:

Hnub no peb yuav rov los saib txog qee nqe lus ntawm qhov zoom cov txheem txheej sai sai ntawm no, rov los saib cov ntaubntawv teev tseg ntawm lub rooj sibtham dhau los thiab rov los saib txog dua lub tswvyim kev kawm tsis tu ncua (learning continuity plan), ntu 2, qhov kev cobqhia 2. Thaum peb muaj dhau los ntawm peb lub rooj sibtham peb kuj tau tham txog lub tswvyim kev npaj ntawm no uas kuv twb tau hais ua ntej no lawm. Peb tau los sib sablaj txog qee cov chaw uas cuam tshuam ze zog rau ntawm cov neeg kawm lus Askiv thiab hnub no Ms. Barbara Schiffner yuav los mus qhia ntix uas cuam tshuam txog lwm cov chaw uas muaj nyob rau hauv lub tswvyim kev kawm tsis tu ncua. So li no, qee cov cai uas feem coob siv rau hauv Zoom, koj kuj los sau koj tus npe yog yog nyob rau ntawm koj daim duab lub thawv. Peb yuav tsis siv sijhawm ntau ntau rau ntawm no, tiamsis yog koj mus nyem koj lub npe, yog nws sau koj lub npe tsis yog, Kuv paub hais tias nyob rau ib lub rooj sibtham ntawm cov rooj sibtham PIQE peb pom hais tias muaj ntau tus niam txiv siv lawv cov menuam lub cuabyej ntaus ntawv thiab thaum muaj lub rooj sibtham zoo li no tus menuam lub npe tshwm nyob hauv qab ntawm tus niam txiv daim duab thiab koj kuj hloov tau koj lub npe los ntawm txoj kev nyem koj lub npe lossis koj tus menuam lub npe, nyem sab xis (right click) rau ntawd, thiab koj yuav pom ib qho qhia rov tis npe dua (Rename); Peb mam li yuav los mus ua rau pom tejzaum rau peb lub rooj sibtham tom ntej no, tiamsis kuv tsis xav siv sijhawm ntau ntau rau ntawm no. Ntawm no muaj ntau cov kev txawj me me

uas peb xav qhia rau nej paub nrog qhov zoom hnuv no. Tiamsis yog koj nyem koj lub npe thaum ntawd koj kuj ntaus tau koj lub npe yog rau ntawd lossis seb koj ho xav koj peb paub koj raws li cas, ua li ntawd nawb? Tsuas xav qhia kom nej nco hais tias yog nej tsis tham lus thov tua lus ntawm koj tus kheej los ntawm txoj kev nyem lub microphone me me ntawd, nws yuav hloov ua xim liab thaum koj nyem nws lossis thaum koj rov qab nyem nws dua thaum koj yuav hais lus nws yuav hloov mus ua xim dawb, thiab kom nrog koom tes twjywm txawm tsis hais lus los tau thiab rau siab mloog rau ntawm peb cov kev sibtham thiab qhov kev nthuav qhia ntawm no. Toj ntxiv, peb yuav los tham txog ib mi pliag ntawm no hais txog lub thawv sau ntawv (chat box) uas yog koj tsis tau siv dua. Koj kuj siv tau nws los nug cov lus nug lossis sau cov lus hais uas koj muaj nyob rau hauv, thiab cov ntaubntawv uas sau rau hauv yuav muab kaw/khaws tseg cia rau peb tau rov los saib dua. Thiab kom muaj kev yoog tau mus mus los los yoojyim yeebvim tshwjxeeb tshaj yog nyob rau ntu caijnyoog ntawm no nrog cov teebmeem ntawm cov cuabyeej technology khiav haujlwm tsis zoo uas zoo tibyam li nyuam qhuav muaj dhau los ntawm no uas koj tejzaum kuj pom rau koj sab laug cov nplooj uas yuav tshwm tom ntej yog dabtsi tag lawm vim kuv kho tsis tau kom nws tshwm mus rau tus qauv nthuav kev cobqhia (presentation mode) uas kom tsis txhob muaj qhov pauv/hloov qhov kev cobqhia txhua yam. Tsuas kom peb yoog tau mus mus los los nrog qee cov teebmeem uas peb ntsib rau ntawm cov teebmeem technology, thiab vam hais tias sawvdaws yuav sibhwu ib tug rau ib tug nrog kev coj zoo rau lwm tus thiab rau ntawm yus tus kheej.

Yog li no peb xav los koom rau ib qho kev ua sai sai rau ntawm no uas yog koj saib rau ntawm koj qhov screen nws yuav zoo li no, koj yuav pom ib qho bar nyob hauv qab uas nws muaj ib lub microphone me me, lub koobthaj, cov tibneeg koom, thiab pub siv koj qhov share screen yog koj yuav siv koj daim screen. Nyob rau ntawd kuj muaj qhov cim me sau ntawv (chat symbol), nej puas pom? Yog li no qhov kuv xav kom nej ua rau txoj kev xyaum thiab lom zem yog, xav koj nej los nyem lub thawv pluab sab sibluag zog sau ntawv (chat square box), thiab thaum ntawd tsaus yog rau kev lom zem tam sim no xwb los ntaus ntawv sau yam zaub mov koj nyiam tshaj yog dabtsi, cia li sau rau hauv yam zaub mov koj nyiam tshaj yog dabtsi. Thaum no, kuv mam li saib rau hauv kuv lub thawv sau ntawv, ua li , koj puas pom qhov ntawd rau ntawm koj tog, Ms. Alex? Kuv tseem nrhiav kuv li.

Alex – Yog, Kuv pom.

Alberto – Cia koj nyeem ob peb qho uas sau nyob rau hauv?

Alex – Tau kawg, tam sim no peb muaj Ms. Ponce – chili rellenos, Ms. Schiffner – street tacos, _____ - super burrito de carne asada, Ms. Segar - crunchy pumpkin blossom tacos, Mr. Oliver – BBQ koojtiis qaib ci.

Alberto – Zoo heev. Kuv xav hais tias peb yuav nres rau ntawm no yeebvim kuv tab tom pib tshaibplab ntxiv tuaj lawm ntag, vim peb tseem tsis tau noj hmo. Ua tsaug rau nej tau los koom ua li no. Ib feem ntawm qhov no yog peb yuav muaj sau qee cov ntaubntawv qhia nyob rau hauv lub thawv sau ntawv ntawm no nyob ib pliag ntawm no. Kuv yuav los nrhiav kom tau vim licas nws thiaj li tsis tshwm nyob rau ntawm kuv sab/tog. Kuv lub thawv sau ntawv nyob rau qhov twg hauv no? Cia kuv mus rau qhov slide tom ntej thiab thaum nej ua qhov no, kuv xav kom nej los, kuv mam li los nrhiav

kuv lub thawv sau ntawv. Peb yuav los ua ib qho kev ua luv luv tom ntej no ntxiv, 2 feeb, faib nej mus rau cov pabpawg me thiab nej yuav mus nkag rau ib chav txawv (breakout room) kom nej ho muaj kev paub, pom txog nws zoo licas thiab tejzaum nej kuj tau ua dua lawm uas yog nej cov menyuam tau ua dua los lawm nyob rau hauv lawv cov chavkawm, koj puab hais tias lawv cov xibfwb tejzaum faib lawv mus rau ntau cov chav kom lawv thiaj li muaj ib qho kev sib sablaj txog qee cov lus nug lossis qee yam haujlwm twg, tiamsis qho no tsuas yog ua kom muaj muaj kev paub/pom txog hais tias nws zoo licas xwb. Yog li no lolus nug hauv qab ntawm no yog qho uas nej yuav los sib sablaj txog nyob rau hauv nej pabpawg thiab kuv yuav faib nej mus ua cov pabpawg uas muaj 3 leeg, nej muaj 2 feeb los sibtham txog qhov lus nug ntawm no, yam zaub mov koj nyiam tshaj yog dabtsi thiab vim licas, ua li ntawd nawb? Yog li no cia kuv los faib nej mus rau cov chav txawv.

Yog li no, cia saib seb nws mus tau zoo licas. Ntawm no muaj qee cov pabpawg uas tsuas muaj 2 leeg thiab qee cov muaj 3 leeg. Nej muaj 2 feeb, Kuv tau caw lub sijhawm lawm, zoo rau peb lawm. Ua li cia peb mus tau. Thaum uas koj pom qhov screen tshwm tuaj sau hais tias Accept lossis Enter the Room, zoo li no. Nkag mus rau hauv lub chav. Zoo. Yog koj pom qhov no nyob rau ntawm koj daim screen nyem "join" los koom, nws mam li coj koj mus rau hauv lub chav. Ms. Michelle breakout room 4, thiab thaum ntawd, _____ Ms. Rosa, saib ntawm daim screen, yog qhov ko ntag.

Alberto- Kuv xav Kuv mam tshaibplab zog rau tam sim no lawm laib. Jisel, xyov yog tim licas lub thawv sau ntawv (chat box) tsis pom tshwm tuaj li rau ntawm lub kuv sab/tog li.

Kuv xav mas yog koj yuj/ya mus rau qhov sau hais tias koj tab tom saib Alberto Becerra's screen thiab yog koj yuj/ya mus rau ntawd txhua yam ntawm cov pob buttons yuav tsum pom.

Ntawm no kuj muaj ib qho kev kho (setting) nyob ua ntej thaum pib cov rooj sibtham uas nws hais tais koj kuj xaiv tau los pom tagnrho koj cov twj thaum koj siv qhov screen sharing, rau lwm zaus.

Rov los saib txog cov ntaubntawv teev tseg dhau los:

Alberto – Kav xav mas sawvdaws rov qab los txhij lawm. Qhov no yog qhov uas kuv yuav muab rau sawvdaws tau los saib nyob rau hauv kablus txuas sau nyob rau hauv lub thawv sau ntawv thiab kuv twb tau xa qhov no ua ntej tuaj rau nej tus email lawm thiab uas muaj nrog cov ntaubntawv tseev tseg dhau los ntawm lub rooj sibtham es nej xav mus saib thaum twg los tau nyob rau hauv nej tus email thiab los nyeem cov ntaubntawv teev tseg ntawd. Kuv yuav los nyem qheb daim sau lus Mev, yog nej tsis xav licas, yeebvim feem coob ntawm peb cov niام txiv yog neeg hais lus Mev. Thiab, kuv thov txim uas muab tso tsis tau rau hauv lub thawv sau ntawv. Tiamsis peb yuav muab daimntawv ntawm no tuaj rau nej thiab kom nej thiaj tau rov qab los mus saib rau thaum twg los tau nyob ntawm email lossis rau ntawm qhov kev nthuav qhia ntawm no, koj thiaj pom cov ntaubntawv teev tseg nyob lub rooj sibtham dhau los tau tham txog dabtsi. Cia kuv qheb cov no.....tso tawm tuaj dua.....ntawm no yog cov ntaubntawv teev tseg. Alex ua tau haujlwm zoo heev, txhua yam ces yeej zoo

yuavluag zoo li hais txhua lolus thaum muaj tshwm sim hauv peb lub rooj sibtham ntag. Kuv yuav tso tawm rau nej sawvdaws. Kuv yuav muab rau nej sawvdaws li ob peb feeb los nyeem kom txhua cov ntshiab lus kev sibtham.

Peb npaj puas tau txhij, ib zaug ntxiv kuv twb tau muab cov no xa tuaj rau nej tus email lawm. Thaum nej nyeem tag thov nej tsa nej tus ntivtes xoo es peb mam li txav zog mus nyeem hauv qab ntxiv. Ms. Alex, zoo li kuv tau hais dhau los, nws tau sau cov ntaubntawv tau heev, yuavlaug ib lo rau ib lo.

Kuv yuav txav mus rau koog ntawm no. Peb twb yuav txog qhov kawg. Cov ntawm no, rov qab qhia kom nej nco hais tias, daim komtswj agenda, cov ntaubntawv teev tseg cia (minutes) tagnrho cov khoom no puavleej tau muab tso nyob rau hauv peb lub chav ua haujlwm daim website, uas koj kuj mus muab tau lawv nyob rau ntawd thiab. Koj kuj yuav tau txais qhov kev nthuav qhia ntawm no thiab nrog rau tagnrho cov kablus txuas tibyam li cov koj tau txais dhau los. Puas zoo rau peb? Ua li. Qhov kawg ntawm no.

Puas muaj cov lus nug lossis cov lus hais uas tham txog cov ntaubntawv teev tseg nyob peb lub rooj sibtham dhau los? Kuv yuav tsheb tawm daimntawv no lawm. Peb yuav rov qab los koom rau qhov kev nthuav qhia (presentation) ntawm no. Cov no yog peb cov ntaubntawv teev tseg, nej muaj tej co lus hais lossis lus nug lub sijhawm ntawm no yog lub sijhawm rau nej los hais.

Teev ntawv tau zoo tiag tiag, Alex.

Nws siv sijhawm ntau heev raws li yeej pom ntawm no, los mloog thiab sau raws, zoo heev.

Rov los saib txog lub Tswvyim Kev Kawm Tsis Tu Ncua (Learning Continuity Plan – Kev Cobqhia Ntu 2):

Ms. Barbara yuav los tham mintsis ntxiv txog lub tswvyim kev kawm tsis tu ncua, tiamsis mas lub homphiaj ntawm no rau lub rooj sibtham hnuh no yeej yog los qhia nej kom paub mintsis txhau yam tagnro raws tau hais qhia nyob peb lub rooj sibtham dhau los uas peb tau tham txog qee cov ntsiab lus uas ntsig txog feem ntau ntawm EL lub chav ua haujlwm, yog li no toj mus Ms. Barbara yuav los qhia ntxiv rau nej txog LCP thiab muab ib lub cibfim los rau nej los qhia nej cov kev xav thiab tswvyim rov qab rau nws. Tsuas yog qhia ua ntej rau nej kom nej nco hais tias lub tswvyim kev kawm tsis tu ncua, tiag tiag, ces tseem yog qhov los hloov LCAP (local control and accountability plan), lub tswvyim hauv zej zog kev tswj thiab lav ris dejnum, lawm xwb uas peb niaj zaus ua tiav hlo txhua xyoo uas nws qhia txog peb cov kev pab programs muaj dabtsi nyob rau hauv lub koog tsevkawm uas peb siv los pab, txhawb nqa peb cov menuam kawmntaxwv los ntawm ntau cov chav tswj kev khiav haujlwm. Yog li no lub xyoo ntawm no dua li uas tsis yog LCAP, nws ho yog LCP lawm xwb thiab thiaj li muab ib lub cibfim los rau nej los qhia tuaj rov qab rau peb paub txog nej cov tswvyim thiab kev xav. Homphiaj ntawm lub tswvyim kev npaj yog piav qhia txog seb peb lub koog tsevkawm yuav los muab cov kev pabcuam tuaj rau peb cov menuam kawmntaxwv licas nyob rau ntu ntawm lub zwjceeb COVID-19 ntawm no uas peb tab tom daws

qhov teebmeem. Qhov hais los no nws yog tim li ntawd LCP thiaj li tau los nyob LCAP qhov chaw lawm. Yeebvim muaj COVID-19, txhua Yam thiaj li tau hloov thiab peb thiaj li ua tsis tau raws li peb qhov LCAP tus txheej txheem cov lus teev tseg uas peb tau tsim rau lub tswyyim, yog li no LCP thiaj li yog lub tswyyim peb yuav ua raws rau lub caijnyoog ntu ntawm no. Ntawm no yog cov chaw loj tseemceeb ntawm lub tswyyim thiab peb tau qhia meej txog cov chaw ntawm no nyob yav dhau rau peb lub chav ELSD, kev kawm nrug deb, PD, kev txhawb nqa pab rau cov menuam kawm uas muaj cov kev xav tau tshwjxeeb uas yog peb cov neeg kawm lus Askiv nyob rau koog no thiab ntawm cov menuam kawmntawv poob/plam kev kawm, seb peb ho los pab licas rau ntawm qhov cov menuam kawmntawv poob kev kawm. Txij li thaum pib COVID-19, peb paub muaj ntau Yam kev nyuaj tshwjxeeb tshaj yog nrog rau peb cov neeg kawm lus Askiv uas kawm ntawv nyob nram tsev nrog rau tagnrho cov kev nyuaj siv technology uas peb tau los pab nrog thiab pab nrog ntxiv rau lwm cov kev nyuaj ntawm tus txheej txheem qhia ntawv. Cov ntsiab lus tau tham txog nyob lub rooj sibtham dhau los yog cov uas peb yuav los tham ntxiv kom ntxaws. Hnub no, Ms. Barbara yuav los tham mintsis ntxiv txog lwm cov ntsiab lus uas yog ib feem ntawm lub tswyyim, tug tibneeg tuaj qhia ntawv txoj kev nyabxeeb, kev kawm nrug deb, menuam kawm kev koomtes thiab kev kawm mus txog txij twg, kev nyuaj siab/kaj siab (mental health), ib qho loj tshaj rau ntawm peb tam sim no yog menuam kawmntawv thiab tsevneeg kev koomtes. Seb peb yuav ua licas toj mus ntxiv kom cov menuam kawmntawv muaj kev koomtes nyob rau ntu ntawm lub sijhawm no. Peb paub muaj ntau tus ntawm peb cov menuam kawmntawv uas tshwjxeeb tshaj yog peb cov neeg kawm lus Askiv uas lawv tab tom muaj kev nyuaj nrog yuav ua licas thiaj li nyob sibcuag tau twjywm thiab los koomtes. Cov ntawm no yog ib feem ntawm cov kev sib sablaj uas peb tab tom muaj nyob hauv lub koog tsevkawm thiab nrog nej tam li nej yog cov niam txiv los pab txhawb nqa rau qhov no. Hais li no xwb, qhov ntawd yog kuv qhov ntawm txoj kev nthuav qhia ntawm no, puas muaj tej co lus nug dabtsi, cov lus hais xav hais txog ntawm cov ntaubntawv ntawm no? Kuv yuav ces mus rau Ms. Barbara, nws mam li los qhia txog nws cov ntaubntawv qhia nws muaj rau peb.

Barbara – Ua tsaug, Alberto. (Alberto tab tom tso tawm Barbara qhov kev nthauv qhia-presentation). Qhov ntawm no yog qhov nthuav qhia uas kuv yuav los nthuav qhia nyob rau tsoom kav tswj lub rooj sibtham uas nws yog lub rooj sibtham qheb rau pejxeem tuaj nrog mloog nyob 9/22, hnub Zwjquag (Tuesday) tom ntej no. Yog mus rau slide 3, thiab qhov uas kuv yuav los qhia tuaj rau cov pejxeem thiab pawg tsoom kav tswj nyob hmo hnub Zwjquag yog qhov LCP yog dabtsi thiab ntawm 10 qhov chaw loj tseemceeb uas Alberto twb tau tham txog lawm, cov neeg muaj feemxyuas qhov kev koomtes uas peb tau muaj, ua tiav tag los thiab qee cov kaujruam tom ntej yog dabtsi. Tam li Alberto tau hais dhau los, qhov LCP tsim los sau rau hauv ntaubntawv tagnrho cov haujlwm uas twb tau ua tiav hlo los xyuas kom zoo hais tias peb cov menuam kawmntawv los kawm ntawv toj mus ntxiv rau hauv lub tsevkawm xyoo 20-21 txawm qhov ntawv yog 100 feempua kawm hauv online lossis tus qauv kawm ob qho uake (hybrid method), los xyuas kom zoo hais tias tagnrho ntawm peb cov menuam kawmntawv tau ib thajchaw kawm ntawv uas muaj vajhuam sibluag. 10 qhov chaw tseemceeb hauv LCP yog nyob rau hauv nyias qhov koog txawv, cov ntaubntawv qhia dav dav txog peb lub koog tsev kawmntawv, neeg muaj feemxyuas qhov kev koomtes, ntawm no muaj ntau cov chaw uas lub tuamtxhab CDE xav paub peb twb tau ua dabtsi los xyuas kom zoo hais tias peb tau txais cov tswyyim thiab kev xav ntawm cov neeg muaj feemxyuas thiab cov neeg ntawd yog cov niam txiv, cov

tsevneeg, cov menuam kawmtnawv, cov xibfwb, cov neeg ua haujlwm, tsuas xav kom xyuas zoo hais tias peb yeej hnov txhij txhua ntawm txhua tus cov kev xav uas tseemceeb tshaj plaws rau lawv. Koog tom ntej yog qhov uas peb yuav npaj los mus ua thaum peb coj tau cov menuam rov qab tuaj kawm ntawv rau hauv chavkawm thiab cov hom kev tiv thaiv thiab kev pab rau txoj kev nyabxeeb yog cov dabtsi uas peb yuav npaj los tswj thiab ua nyob muaj chaw.

Koog tom ntej yog kev kawm nrug deb (distance learning) thiab nws qhov tseemceeb ces yog suav rau ntawm ib hnub cov menuam kawmtnawv kawm uake nrog tus xibfwb ntev npaum licas feeb uas yog lub caij sijhawm tiag ntawm kev kawm (synchronous) thiab dhau ntawd ces yog lub caij thaum lawv kawm/ua haujlwm nyob lawv tus kheej (asynchronous) lawm xwb. Thiab tom ntej no yog menuam kawm kev koomtes, qhov ntawm no yog ib qho tseemceeb heev, cov xibfwb yuav sau tseg saib hais tias cov menuam puas tuaj kawm ntawv los tsis tuaj rau cov menuam kawmtnawv uas koom rau hauv, thiab peb kuj yuav tsum ntsuas seb lwm yam kev koomtes dabtsi uas lawv ua/koom nrog nyob tasnrho ib hnub, cov haujlwm lawv ua tiav thiab cov hau kev txawv uas lawv siv ua tiav lawv cov haujlwm. Thiab toj mus ntxiv tam li Alberto tau hais dhau los, kev nyuaj siab/kaj siab thiab kev noj qab nyob zoo yog ib qho tseemceeb heev. Nws yog ib qho tseemceeb tshaj rau ntawm peb cov kev xav yeebvim lub caij no yog ib lub caij nyuaj tsis yog rau peb cov menuam kawmtnawv xwb, tiamsis peb cov xibfwb tibyam nkaus. Yog li no cov cai thiab cov kev ua dabtsi uas tau tsim tso nyob muaj chaw yog dabtsi es peb thiaj li paub muab tau cov kev pab rau cov kev nyuaj siab/kaj siab thiab kev noj qab nyob zoo, thiab nrog rau qhov uas los ntsuas tau hais tias sawvdaws nyob zoo tsis muaj teebmeem. Thiab tom ntej yog cov menuam kawmtnawv thiab tsevneeg kev koomtes, yog li no txoj kev tuaj koom rau lub rooj sibtham hmo no nws twb yog ib qho ntawm peb cov kev pab programs qhov kev nqua hu uas peb tab tom ua lawm, thiab nrog ua twb zoo xyuas dua hais tias peb yeej tau nqua hu tuaj rau cov tsevneeg tiag tiag thiab tuaj rau cov menuam kawmtnawv kom lawv paub hais tias peb mloog lawv thiab. Thiab tsevkawm qhov kev faib zaub mov (school nutrition) yog ib qho chaw tseemceeb heev, uas peb yuav tsum ua twb zoo xyuas hais tias peb cov menuam thiab lawv tsevneeg tau cov plusas noj txhua hnub. Peb faib zaub mov tuaj tau rau cov menuam muaj hnubyooq qes tshaj 18 xyoo. Thiab peb lub chav tswj kev faib zaub mov ua tau txoj haujlwm zoo tshaj plaws li rau ntawm cov zaub mov faib tuaj rau cov tsevneeg. Thiab, lwm cov haujlwm kev ua ntxiv uas peb tau nqes tes los mus ua lub tswvyim LCP ntawm no thiab los khiav haujlwm ntau tshaj no ntxiv thiab txhim kho kom cov kev pabcuam mus tau zoo ntxiv.

Ms. Barbara, thov nrog nco hais tias peb kuj tseem muaj peb cov neeg txhais lus thiab, yog li no thov ua twb zoo xyuas hais tias koj muab sijhawm txaus rau nws los txhais lus.

Yog li no pib nrog peb lub tswvyim LCP cov neeg muaj feemxyuas txoj kev koomtes (stakeholder engagement), peb tau pib nrog cov ntaubntawv tshawb fawb (surveys), thawj qhov kev tshawb fawb survey tau raug xa tuaj mus nyob lub Peb Hlis Ntuj tim 20th thiab qhov kev tshawb fawb ntawd yog qhov kuv yog tus xa tuaj rau tagnrho cov tsevneeg, cov neeg ua haujlwm thiab cov xibfwb los xyuas seb cov cuabyeej txheejsiab technology dabtsi uas cov tsevneeg thiab cov menuam kawm xav tau. Tau los ntawm qhov kev tshawb fawb ntawd, peb tau txais ntau tshaj li 13,000 qhov lus teb. Nws ntau heev. Peb tsis tau txais cov lus teb ntau npaum ntawd dua li. Qhov uas peb nrhiav thiab paub txog txij li thaum peb tau hloov mus rau txoj kev kawm nrug deb,

kawm ntawv hauv online, peb pom muaj kev koomtes ntau tshaj ntxiv tuaj ntawm cov tsevneeg thiab cov menuam kawm uas peb tsis tau muaj dua uas yog ib qho zoo heev. Nyob lub Plaub Hlis Ntuj tim 24th thawj lub limtiam ntawm qhov kev kawm nrug deb tiag tiag, peb tau xa tawm ib qho kev tshawb fawb survey tuaj rau peb cov xibfwb thiab cov neeg ua haujlwm los nug lawv seb qhov kev kawm nrug deb ntawd mus tau zoo licas, qhov mus tau zoo yog dabtsi thiab cov kev nyuaj ho yog dabtsi rau ntawm thawj lub limtiam. Toj mus ntxiv, peb tau xa tawm ib qho kev tshawb fawb ntxiv nyob lub Tsib Hlis Ntuj tim 14 los mus nrhiav kom paub txog seb cov xibfwb thiab cov neeg ua haujlwm lawv ua haujlwm mus zoo licas lawm. Thiab thaum nyob lub Xya Hli Ntuj tim 21st ib qho kev tshawb fawb survey kuj tau xa tuaj rau cov tsevneeg los nug txog ob peb qho lus nug, thiab qhov ntawm no, kuv yog tus xa tuaj ntag uas nug cov tsevneeg yog hais tias tsevkawm rov qab qheb dua lawv puas yuav xa lawv cov menuam rov qab tuaj kawm ntawv rau hauv tsevkawm nyob rau hauv tus quav qhia ntawv ob yam uake (hybrid enviroment) thiab yog tsis xa tuaj no, ho yog vim licas. Peb tau txais ntau tshaj li 4500 qhov lus teb ntawm qhov kev tshawb fawb ntawd.

Peb kuj tau tuav muaj cov kev cobqhia rau cov xibfwb thiab cov neeg txawj (professional learning communities) uas kuj yog PLCS los mus ntsib nrog pabpawg muaj kev feemxyuas uas ua txoj haujlwm zoo tibyam. Peb tau los ntsib nrog cov neeg txawj fab kev pab suab lus, tsevkawm cov neeg txawj fab lub hlwb khaiv haujlwm (school psychologists), cov neeg pab tus xibfwb, cov coj muaj kev txawj fab muab kev pabcaum (resource program specialists), thiab cov xibfwb qhia ntawv nyob cov chavkawm ib hnub tshwjxeeb (special day class teachers). Los nug cov neeg ntawm no uas lawv yog cov neeg ua haujlwm tau tshaj nrog peb cov menuam kawmntawv uas muaj cov kev xav tau kev pab tshwjxeeb, thiab nug lawv cov koom dabtsi uas lawv xav tau kom los pab lawv qhia ntawv mus tau zoo nyob rau hauv thajchaw ntawm kev kawm nrug deb, hauv online. Rau Hli Ntuj tim 25 – 30, peb tau tuav muaj 5 lub rooj sablaj rau cov xibfwb. Ib zaug ntxiv, nws yog los mus muab cov tswvyim thiab kev xav ntawm peb cov xibfwb qhia ntawv rau sawvdaws seb lawv xav tau dabtsi thiab nws kuj yog los sau lawv cov tswvyim thiab kev xav hais txog rau ntawm txoj kev rov qheb cov tsevkawm dua. Peb tau muaj koog tsevkawm cov pabpawg tawm tswvyim zoo xws li pawg ntawm no tau txias cov ntaubntawv qhia thiab xyuas kom zoo hais tias cov ntaubntawv qhia ntawm no tuaj txog nej thiab lwm cov pabpawg tawm tswvyim. Txhua yam ntawm lub tswvyim no yog los sau cov tswvyim thiab kev xav ntawm peb cov niam txiv, cov tsevneeg thiab cov menuam kawmntawv kom paub zoo hais tias peb ua tau raws li lawv cov kev xav tau.

Peb twb tau muaj ib qho kev pab nqua hu (outreach program) los xyuas kom zoo hais tias peb tau cov tswvyim thiab kev xav ntawm ntawm peb chav tswj kev kawmntawv tshwjxeeb cov tsevneeg. Peb lub chav ELSD tau ua haujlwm uake nrog lub tuamtixhab cov kooshaum niam txiv rau txoj kev kawmntawv zoo. Thiab kuv xav mas Alberto thiab Jisel yuav los tham tau ntau txhaj no txog qhov kev pab, lub program ntawm no. Nws muab tuaj rau peb cov EL cov kev txhawb nqa ntxiv los tsom kwm lawv cuag tau lawv qhov pee vxwm txawj tshaj plaws.

Jisel – Qhov ntawm no yog ib lub program 10 limtiam thiab peb twb tau pib rau hauv Grant lawm. Nws yog txhua yam hauv online, tsim los rau tsevkawm theem ob cov tsevneeg los kawm kom paub mintsis txog kev kawm nrug deb, los pab cov menuam kawmntawv tam sim no, cov kev cia siab dabtsi rau ntawm cov tsevkawm thiab los

kawm txog tsevkawm txheejsiab college kev npaj txhij thiab yuav npaj peb cov menuam kawmtnawv licas mus rau tsevkawm txheejsiab.

Alberto – Lub ntsiab lus tsom yog cov menuam kawmtnawv uas kawm tiav muaj kev npaj txhij rau tsevkawm txheejsiab college thiab haujlwm, ua tiav hlo cov cai A-G es thaum lawv kawm ntawv tiav lawm lawv thiaj li muaj ib qho kev xaiv mus rau ib lub tsevkawm txheejsiab university lossis raws ib txoj haujlwm txoj hau kev taug nyob rau ntawm lub caij tus mob COVID-19 thiab ntawm kev kawm nrug deb. PK(?) tau tsim lawv cov kev cobqhia uas muaj txheej txheem kom lawv thiaj li qhia tawm tau lawv cov ntaubntawv qhia txog technology thiab yuav licas thiaj li dhau. Peb paub hais tias nws yog ib qho tseemceev loj heev rau ntawm qhov peb tab tom ua rau tam sim no.

Ib qho chaw hauv qhov LCP uas yog ib koog tagrho uas tau tsim los xyuas kom zoo hais tias peb yeej muab tuaj cov cuabyej txheejsiab technology tuaj rau tagrho peb cov menuam kawmtnawv thiab uas yog ib feem ntawm qhov kev tshawb fawb uas peb tau xa tuaj thaum lub Peb Hlis Ntuj tom qab uas peb tau hloov mus rau kev kawm nrug deb, hauv online uas yog zoo li tam sim no uas ntawm peb cov menuam kawmtnawv yuav tsum tau technology rau nram tsev. Thaum txog ntu kawg ntawm lub Tsib Hlis Ntuj, peb tau faib tawm ntawm tshaj li 17,000 lub chromebooks thiab 2,000 lub hot spots tuaj rau peb cov menuam kawmtnawv, thiab nyob rau ntawd, peb tau txiav txim hais tias cov menuam kawmtnawv uas tseem yuav nyob rau hauv peb lub koog tsevkawm lawv yuav khaws cia lub chromebook nrog lawv nyob lub caij ntuj so kom lawv thiaj li tau xyaum thiab tau kawm thiab lawv yuav khaws cia tau siv lawv lub chromebook thaum lawv rov qab pib kawm ntawv nyob lub Yim Hli Ntuj tim 18th. Peb tau muaj cov chaw nyob rau hauv txhua lub tsekawm los faib cov chromebooks rau txhua tus menuam kawmtnawv hauv peb lub koog tsevkawm es thaum lawv tuaj nqa lawv lub hnabev yog tseem tsis tau tau ib lub chromebook no, yuav muab ib lub txheeb rau nws. Peb kuj nrhiav tau/hnov txog los ntawm cov niam txiv thiab cov tsevneeg uas lawv xav tau ib lub hot spot los siv internet rau nram tsev. Yog li no txij li thaum pib ntawm tsev kawmtnawv, peb tau faib tawm 2000 lub hotspot ntxiv. Tam sim no, peb muaj xws I i 3500 lub hotspot uas tau faib tua rau cov tsevneeg thiab ze li ntawm 24,000 chromebooks. Qhov slide tom ntej.

Hauv lub Peb Hlis Ntuj, tom qab ntawm qhov raug nyob hauv tsev lossis kev kawm nrug deb tau pib, peb ua nrawm nroos los tsim muaj ib pawg khaiv haujlwm (strike force team). Peb tau ua twb zoo xyuas hais peb muaj txhij txhua lub chav tswj sawvcev hauv lub koog tsevkawm. Peb muaj tus sawvcev ntawm M & O, Technology cov kev pabcuam, College and Career Readiness, peb muaj tus saib xyuas tsevkawm cov coj (School Leadership), MTSS intervention. Kuv yuav tsis nyeem kom tagrho cov npe muaj nyob rau hauv, tiamsis kom nej paub hais tias peb muaj ib pabpawg uas muaj ze li ntawm 30 leej nyob hauv los qhia tawm cov tswvym thiab kev xav rau hauv tus txheej txheem qhia ntawv. Tus txheej txheem thiab kev qhia ntawv yuav muaj nyob rau hauv kev kawm nrug deb thajchaw thiab pawg strike force team tseem ua haujlwm nyob uake txog hnub no. Peb tuaj sib ntsib txhua hnub Zwjteeb (Thursday) los sib tham txog kev kawm nrug deb thiab kev qhia ntawv yuav zoo licas thaum, uas tsis yog hais tias, tiamsis yog thaum uas peb rov qab hloov mus rau hauv chavkawm hauv tus qauv thajchaw qhia ntawv nyob ob yam uake (hybrid) thiab los tham txog qhov kev xyuas kom zoo hais tias ua ntej ntawm qhov ntawd txhua leej txhua tus yeej muaj qhov nyabxeeb rov qab tuaj rau hauv chavkawm tsis muaj teebmeem. Lwm qhov ntawm

cov neeg muaj feemxyuas txoj kev koomtes yog li no peb twb tau muaj ob peb cov kev nthuav qhia tawm, cov presentations, rau tsoom kav tswj cov rooj sibtham hais txog kev kawm nrug deb, lub caij ntuj nplooj ntoos zeeg yuav zoo licas, lub caij ntuj nplooj ntoos zeeg rov qab tuaj hauv theem 1 yuav zoo licas. part stakeholder engagement is that we have done several board presentations on distance learning, what fall was going to look like, what fall return looks like phase 1. Ua ntej peb twb muaj ib qho ntxiv ntawm kev nthuav qhia tuaj rau pawb tsoom kav tswj lawm uas qhia txog nyob thawj hnub pib tsevkawm mus zoo licas thiab toj mus ntxiv rau lub Zwjquag (Tuesday) tom ntej yuav yog lub rooj sibtham rau pejxeem tau tuaj koom mloog txog lub tswvyim kev kawm tsis tu ncua yog licas tiag thiab tau txais pejxeem cov tswvyim thiab kev xav uas lawv qhia tuaj. Thaum txog lub Cuaj Hli Ntuj tim 29th ntawm no yuav muaj tsoom kav tswj ib lub rooj sibtham los mus pom zoo rau lub tswvyim LCP. Peb lub luag haujlwm los ua kom tiav qhov ntawm no xa mus rau lub xeev tsis pub dhau lub Cuaj Hlis Ntuj tim 30.

Peb qee cov kaujruam tom ntej, cov uas nyob rau qhov theem siab, yog kom los mus sau cov neeg muaj feemxyuas cov tswvyim thiab kev xav toj mus ntxiv. Peb yeej xav hnov los ntawm cov neeg muaj feemxyuas (stakeholders) thiab peb ua dabtsi los xyuas kom zoo hais tias tagnrho ntawm peb cov menyuam tau ib thajchaw kawm ntawv uas muaj vajhuam sibluag. Pejxeem tawm suab: tsuas yog rau lub 9/22, tsoom kav tswj lub rooj sibtham nyob lub 9/29 thiab hnub kawg los mus xa lub tswvyim uas tau muaj kev pom zoo coj nyob lub 9/30. Tag li no lawm, puas muaj tej co lus nug dabtsi?

Cov lus nug lossis Cov kev txhawjxeeb:

Alberto – tej co lus nug lossis cov lus hais?

Zoo li ntawm no yog cov ntaubntawv qhia uas peb muaj qhia tuaj rau nej nyob hmo no xwb. Ib zaug ntxiv, peb xav ua nej tsaug uas nej tau tuaj koom peb. Peb lub rooj sibtham tom ntej tau muab teev tseg rau lub Kaum Hli Ntuj tim 8th. Kuv ntseeg hais tias nws pib thaum 6:00 mus txog 7:30 tsaus ntuj.

Ntawm no yog Michelle Deleon – Hais txog lub tswvyim, yog li no koj tau hais tias koj yuav mus rau ntawm tsoom kav tswj thiab nws yuav yog ib lub rooj sibtham qheb rau pejxeem tuaj tawm suab los nug cov lus nug los. Nej yuav faj lus tuaj rau sawvdaws licas kom lawv paub tuaj koom rau hauv Zoom ntawm tsoom kav tswj lub rooj sibtham thiab muab rau qhov kablus txuas rau saib tau txhua yam?

Ms. Shiffner – Nws yeej ua tibyam li txhua txoj hau kev uas peb muaj tsoom kav tswj cov rooj sibtham; nws yuav raug tso, luam tawm rau tagkis.

Ms. Deleon – Qhov kuv hais ntawm no, no mas, nws tsis muaj kev tshaj tawm tuaj. Kuv tsis tau ib qho email uas qhia hais tias ntawd yuav muaj tsoom kav tswj ib lub rooj sibtham nyob hnub Zwjquag (Tuesday), thiab kuv intseeg hais tias qhov ntawm no yog ib qho ntsiab lus tseemceeb txaus uas tsimnyog muaj ib qho dabtsi tso tawm, xa tuaj rau cov niam txiv paub uas hais tias qhov ntawd yuav muab coj los sablaj txog nyob rau hauv tsoom kav tswj lub rooj sibtham. Yog nej muaj lus nug ntawm no yog lub sijhawm los nug, thiab muab rau lawv kablus txuas mus rau tsoom kav tswj lub rooj

sibtham. Nws tsis yog ib qho kev qhia tseeb tiag tuaj, nej lam tsuas yog tso tawm kom tas xwb thiab yeej tsis muaj leej twg paub txog nws li.

Ms. Shiffner – Peb kuj los mam li xa tawm ib qho kev sibtxuas lus tuaj rau cov niam txiv tagkis.

Ms. Deleon – Yog, kuv xav hais qhov ko yog ib qho zoo los piav nws yog dabtsi. Kuv tsis nco qab lawm qhov no ua ntej sawvcev yog dabtsi, tiamsis tam sim no nws yog li qhov no lawm thiab nws yog ib qho tseemceeb yeebvim

Alberto – Qhov no yog ib qho zoo uas qhia tuaj rau peb paub li no, Ms. Michellle. Peb sawvdaws yeej sim ua kom ib txoj haujlwm zoo ntawm txoj kev sibtxuas lus tuaj rau peb cov tsevneeg, seb txoj hau kev dabtsi yog qhov zoo tshaj rau nej es thaum peb xa tuaj nws thiaj li tuaj cuag nej?

Ms. Deleon – Ntawm no tau muaj ob txoj hau kev uas kuv tau pom nyob rau ntus ntawm kev kawm nrug deb us kuv xav hais tias nws zoo. Nws tuaj zoo li kuv tau ob qho huvtibsi thiab tsis yog tau ib qho es tsis tau ib qho. Tiamsis kuv mam email thiab xa ntawv hauv xovtooj (text message). Rau ntawm lub chav tswj tsevneeg thiab zej zog kev koomtes (FACE) cov rooj sibtham, kuv tau txais ib qho email thiab ntawv sau xa tuaj hauv lub xovtooj. Hauv tsabntawv email, nws piav ntxaws heev, uas yeej paub zoo yog ib tsabntawv. Ho hauv soblus sau xa tuaj hauv xovtooj mas nws yog ib kablus tsawg tsawg, sai sai thiab nrog kablus txuas mam li coj lus nyeem qhov piav qhia txhau yam. Yog li no, yog koj tsis muaj email los mus qheb saib, koj kuj lub xovtooj los mus saib tau uas txuas koj mus pom cov ntaubntawv qhia.

Alberto – Zoo heev, yeebvim kuv paub zoo tam li ntawm peb lub chav tswj khiav haujlwm, thiab kuv paub hais tias qhov ntawm no muaj tso tawm tuaj thoob plaws hauv lub koog tsevkawm, peb yeej sim los daws/nrhiav seb txoj hau kev twg yog qhov zoo tshaj los sibtxuas lus thiab xa cov ntaubntawv tuaj rau cov tsevneeg. Peb tau txais ntaubntawv qhia tauj rau peb, pivtxwv li, hais tias ntau zaus cov niam txiv xav tau cov ntaubntawv qhia tuaj ntawm lawv lub tsevkawm thajchaw, uas yog lawv qheb qhov email lossis saib cov ntaubntawv xa tuaj ntawd ntau dua li ntawm cov soblus uas lub koog tsevkawm xa tuaj rau lawv.

Ms. Deleon (?) – Tam sim no kuv tsis tau txais ib yam dabtsi uas xa tuaj ntawm kuv cov tsevkawm thajchaw li. Yog kuv paub txog dabtsi ces twb yog kuv mus nrhiav hauv daim website thiab feem ntau cov ntawd tsis nyob rau hauv. Nws yog ib qho uas peb kuj nug tau lub tsevkawm tus coj muab kablus txuas tso nyob rau hauv daim website tiamsis tam sim no hauv txoj kev kawm nrug deb kuv yeej tsis tau txais kev sibtxuas lus ntau ntau uas xa tuaj ntawm cov tsevkawm. Yuav tsum tau tshawb fawb ntau yam ntawm kuv tus kheej los mus nrhiav paub txog cov ntaubntawv.

Ms. Shiffner (?) – Peb yeej zoo siab yog koj xa nws tuaj rau tsevkawm cov coj, cov VPs. Peb zoo siab los qhia peb cov neeg kho cov website (webmasters) los tso nyob rau hauv peb qhov Facebook lossis nyob rau hauv social media. Tsuas yog qee zaus cov xovxwm mus tsis deb txaus. Yog koj tsis tau txais ib yam kev sibtxuas lus xa tuaj rau koj li koj yuav tsum saib xyuas kom zoo hais tias lawv tau koj tus email tseeb rau lub sijhawm no nyob rau hauv cov ntaubntawv tom tsevkawm.

Kuv txais tau Aeries cov soblus. Kuv txais tsis tau ntawm lwm qhov chaw kiag li. Peb tsuas siv Aeries rau tam sim no xwb.

Ms. Shiffner – Yog li ntawd lawm, qhov uas peb yuav xa qhov soblus qhia tawm tuaj rau tagkis yog xa tuaj los ntawm Aeries. Tiamsis, kuv mam li ua haujlwm nrog txhua lub tsevkawm kom lawv muab tso nyob rau hauv lawv daim website.

Ms. Deleon – Yog, vim qee cov niام txiv tseem tsis tau rau npe nrog Aeries.

Alberto – Qhov kev sibtxuas lus siv lub tswyim ntawm no, Ms. Michelle, nws tseem yog ib qho tshiab rau peb lub koog tsevkawm. Qee zaus nws siv sijhawm zog rau sawvdaws los koom thiab siv kom zoo, puas yog? Tiamsis, peb yeej yuav mob siab qhia tuaj rau sawvdaws thiab ua twb zoo xyuas hais tias muaj cov email yog, tagnrho cov ntaubntawv kom peb thiaj li xyaus tau meej hais tias qhov kev sibtxuas lus xa tuaj cuag cov tsevneeg.

Ms. Deleon – Yog nej yuav siv Aeries xa tuaj, kuv kuj xav kom nej xa sau tuaj hauv xovtooj, hauv email lossis peb qho ntawm no huvtibsi yeebvim yog ib tug niام txiv tsis muaj Aeries, lawv kuj txais tau los ntawm lwm qhov.

Tus niام txiv – yog cov niام txiv txais tau qee cov kev sibtxuas lus us xa tuaj ntawm Aeries tiamsis txais tsis tau cov qhabnee, leej twg yog tus uas yuav tsum hu rau?

(?) – Lawv lub tsevkawm.

Tus niام txiv – Peb twb tau hu tuaj rau lub tsevkaw, tus xibfwb twb tau hu rau lub tsevkawm lawm thiab Kuv tseem tsis tau txais ib qho qhabnee kiag li.

(?) – Puas yog koj hais txog cov qhabnee? Ntawm no muaj ob txoj hau kev siv nrog peb qhov twj kev sibtxuas lus, ib qho uas yog peb xa kev sibtxuas lus tuaj hauv email thiab sau ntawv hauv xovtooj uas ntawm nov yog qhov peb tso tawm cov ntaubntawv qhia tawm thiab qhov ob yog ib lub portal siv rau cov niام txiv los nkag mus rau hauv mus saib lawv cov menuam cov qhabnee.

Tus niام txiv – Kuv muaj qhov portal thiab txhua yam tiamsis kuv tsis pom ib qho qhabnee kiag li.

Ms. Shiffner (?) - Elizabeth Lopez, puas yog? Kub tab tom sau tseg cia es kuv thiaj li mus saib tau ntawm kuv tus kheej.

Ms. Lopez -Yog, thiab tus menuam kawmmtawv yog Gabriel Lopez.

Lub tsevkawm dabtsi?

CCAA

Ua li.

Kuv mam li xyuas qhov no.

Ua tsaug.

Alberto - Any other questions?

Tus niam txiv – Tom qab ntawm qhov no yog peb rov qab mus rau qhov menuam tuaj kawm ntawv hauv tsevkawm rau lub xyoo tom ntej no ces peb mam li rov qab hloov mus rau LCAP, puas yog? Ntawm no tsuas yog rau ib ntus xwb los?

Ms. Shiffner - Yog, qhov LCAP rau lub caij ntuj nplooj ntoos hlav tau raug muab ncua cia lawm tiamsis peb tseem yuav coj los kho ntxiv rau lub Kaum-Ob Hlis Ntuj uas yog qhov peb pib ua haujlwm kho daim LCAP.

Puas muaj lwm cov lus hais tawm ntawm peb cov niam txiv lawm?

Tus niam txiv – Ntawm nag hmo lub rooj sibtham kuv totaub hais tias lawv muaj cov tswvyim kev npaj rov qab yuav qheb tsevkawm ze li ntawm lub Kaum Hli lossis Kaum-lb Hlis, nej ho paub dabtsi txog ntawm qhov no?

Alberto – Qhov peb paub mas yog li no, lossis yog Jisel tseem muaj dabtsi xav qhia los ho qhia ntxiv, hais txog ntawm lub koog tsevkawm tab tom tsim cov tswvyim kev npaj los rau qhov uas thaum txog lub caij peb rov qab mus rau hauv tsevkawm nrog muaj kev nyabxeeb. Nws yuav yog tus qauv qhia ntawv ob yam uake (hybrid model) uas yog ib nrab ntawm cov menuam kawmntawv tuaj kawm nyob ib feem ntawm lub limtiam lossis thiab nrab thib ob ntawm pawg menuam kawm mam li tuaj rau qhov feeb thib ob ntawm lub limtiam. Qhov no yog ib qho uas tejzaum yuav muaj tau. Thiab kuv totaub hais tias cov coj tab tom ua qhov haujlwm no los npaj tsam lub xeev thiab peb lub tuamtxhab tswj pejxeem kev noj qab haus huv ho qhia meej hais tias peb rov qab hloov tau tuaj kawm ntawv rau hauv tsevkawm dua lawm thaum uas qhov xwmtxheej COVID-19 ntawm no zoo tsimnyog txaus rau rov qab tuaj. Kuv tsis paub xyov nws puas yuav zoo tu qab hlo, tiamsis peb yuav tsum muaj qee cov tswvyim kev npaj tsim tseg tso nyob muaj chaw kheev lam muaj lub cibfim uas xam raws li ntawm cov caijnyoog. Kuv tseem tsis tau hnov txog hais tias nws yog rau lub Kaum Hlis Ntuj lossis rau ib lub sijhawm twg li. Peb tam sim no tab tom nyob rau qhov kev tsim lub tswvyim kev npaj rau thaum txog lub sijhawm ntawd, thiab thaum peb paub zoo hais tias nws nyabxeeb rau rov tso coj peb cov menuam kawmntawv tuaj, thiab thaum ntawd peb thiaj li muaj ib lub tswyim kev npaj tau rau ntawd. Tiamsis, Kuv tseem tsis tau hnov txog yuav yog ib lub sijhawm twg li rau qhov ntawd.

Ms. Deleon (?) – Kuv nrog qhia ntxiv puas tau? Raws li Kristen tau hais txog nyob nag hmo mas nws tau piav hais tias lawv yuav muaj ib lub tuamtxhab sab nraud tuaj thiab mus kuaj tagnrho 52 lub tsevkawm thiab saib seb peb yuav muaj khoom dabtsi los npaj rau thaum peb qheb tsevkawm, saib raws li ntawm cov ru tsev nyob zoo licas, ntawm tagnrho cov cav tshuab cua txias thib kub (HVAC systems), thiab seb puas muaj tej yam dabtsi uas yuavv tau kho, thiab lawv yuav mus rau hauv txhua lub chavkawm hauv lub koog tsevkawm los seb cov rooj, tob zaum txhua yam puas yuav tsimnyog tshem tawm/txav, uas zoo rau txoj kev nyabxeeb. Thiab, lawv xav kom muaj tej no ua kom tiav hlo, kuv nco tau nws hais zoo li, kom tag rau ntu kawg ntawm lub Kaum Hlis

Ntuj, es yog lub xeev muaj kev tsimnyog txaus hais tuaj qhia hais tais peb qheb tau lawm no peb thiaj li muaj qhov twb npaj tau txhij txhua ua ntej lawm zoo tshaj li qhov uas peej yuav caum qab raws.

Ms. Shiffner – Qhov ko hais yog lawm. Qhov ko yog qhov peb muaj tseeb tiag. Peb tab tom ua haujlwm nrog ib lub tuamtxhab hu ua PBK thiab nyob hnub Zwjhl (Monday) peb yuav pib tuaj mus taugkev saib cov tsevkawm los xyuas txhua lub chavkawm thiab saib seb yuav muaj dabtsi ntxiv rau, los hais txog yuav muab lub rooj tso nyob qhov twg, cov Plexiglas yuav mus rau qhov twg, saib txhua cov cav cua txias thiab kub (HVAC) thiab txhua yam thiab los npaj tsim kho peb cov tsevkawm kom lawv zoo muaj qhov nyabxeeb rau cov menuam kawmntawv rov qab tuaj. Thiab peb lub homphiaj yog kom ua tiav hlo qhov no rau ntu kawg ntawm lub Kaum Hli Ntuj. Txog thaum peb paub tseeb hais tias peb cov chavkawm yeej zoo, nyabxeeb txuas rau rov qab tuaj, peb yuav tsis qheb. Tiamsis peb tsuas xav los ua twb zoo xyuas kom meej hais tias peb yeej ua haujlwm nrog cov neeg txawj kom paub zoo hais tias peb cov chakawm yeej nyabxeeb.

Lwm cov lus hais, cov lus nug?

Tus niam txiv – Qhov nag hmo yog dabtsi?

Tus niam txiv – Yog pabpawg neeg tawm tswvyim rau kev saibxyuas tswj nyiaj txiag lub rooj sibtham nrog kate Ingersoll.

Tus niam txiv – Kuv xav paub kom zoo es kuv thiaj li tsis plam tej yam dabtsi uas nyob tsis nyob rau ntawd.

Alberto - Kuv zoo siab uas koj yog ib tug nyob rau ntawd, Ms. Michelle.

Kev xaus :

Alberto – Ua li, paus muaj tej co lus hais, lus nug ntxiv lawm? Ua li, yog tsis muaj cov lus nug lossis lus hais ntxiv lawm no ces kuv xav peb yuav los xaus lub rooj sibtham. Kuv vam hais tias hmo no mus rau nej sawvdaws. Ua tsaug ntau ntau uas nej tau tuaj koom peb. Peb txaus siab kawg li lawm thiab ib zaug ntxiv lub rooj sibtham tom ntej yuav yog nyob rau lub Kaum Hli Ntuj tim 8th thaum 6:00 thiab peb mam li xa cov ntaubntawv thiab qhov Zoom cov kablus txuas thiab txhua yam uas koj yuav tsum tau uas thiaj li tuaj koom tau nrog peb dua. Ua tsaug rau nej cov kev qhia thiab ua tsaug rau nej lub sijhawm, thov kom hmo no mus rau rau nej sawvdaws.